



Nuuk, 2. juli 2015

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

- Paasisassarsiorluni Canada-mut angalaneq pillugu Inatsisartut Aatsitassanut Ataatsimiititaliaat sooq ilisimatinneqarsimanngila?
- Paasisassarsiorluni angalanissamut tassunga Inatsisartut Aatsitassanut Ataatsimiititaliaat sooq qaaqquneqarsimanngila?
- Angalasimaneq pillugu nalunaarusiaq Namminersorlutik Oqartussat nittartagaanni qaqugu saqqummiunneqassamaarpa?
- Soqutigisaqaqatigiinnik uran-imik pīaanissanut akerliusunik angalaqatigiit tikeraarnerminni ataatsimeeqateqarpat?
- Canada-mut angalanermi innuttaasunik paasissutissiinissat innuttaasunillu peqataatitsinissaq pillugit Naalakkersuisut sunik tigussaasunik pissarsiaqarpat?
- Nunarsuatsinni nunanut allanut aatsitassarsiorfiusunut, ass. uran-imik, paasisassarsiorluni angalanissanik allanik Naalakkersuisut pilersaaruteqarpat? (Inatsisartuni ilaasortaq Juliane Henningsen, Inuit Ataqtigiit)

Tunggavilersuut:

Aatsitassanut Ataatsimiititaliaami ilaasortatut pisunik malinnaasuuvunga. Maluginiarsimavara nunatsinnit angalaqatigiit Inuussutissarsiornermut, Suliffeqarnermut, Niuernermet Nunanullu Allanut Naalakkersuisumit Vittus Qujaukitsumit borgmesterimillu Jørgen Wæver Johansen-imit siulersorneqartumik, taamatullu Kommune Kujallermit qinikkanik peqateqarlutik ulluni 12.-17. juni 2015 Canada-mut tikeraarsimasut. Angalanermi siunertaasimasooq tassaavoq uran-imik aatsitassarsiornerup ingerlanerani, pineqartut aqunneqarnerinik minnerunngitsumillu taamatut aatsitassarsiornerit ingerlanneqarnerini avatangiisinut inuiaqatigiinnilu aningaasaqarnikkut sunniutaasinnaasut kingunerisinnaasaallu itinerusumik paasisaqarfigerusunneqarsimammata.

Paasisassarsiorluni angalaneq aamma tassaavoq ilisimasanik katersuinermet akuusooq, tamannalu aatsitassanik qaqtigoortunik aamma uran-imik Kuannersuarni pīaanissanik qinnuteqartoqassappat, taamatullu ukiuni aggersuni aatsitassarsiornerinik ingerlassassatut piukkussat piarneqarnissaat siunertaralugu qinnuteqartoqassappat inuiaqatigiit isummertinnagit ingerlanneqartut. Kuannersuarni pilersaarutaasooq eqqarsaatigalugu

piiaanissamut qinnuteqaat 2016-imi tunniunneqassasooq ilimagineqarpoq, tamassumalu kingorna tusarniaaneriit ingerlanneqartussaassallutik.

Angalanermut pilersaarutaasut Naalakkersuisut nittartagaanni takuneqarsinnaasut naapertorlugit uanga isumaga naapertorlugu aamma Aatsitassanut Ataatsimiititaliami ilaasortanut allanut soqutiginaqqissaaraluarput, taakkulu aamma qularnanngitsumik ilisimasaminnik ilaartuinissaq iluaqutigisinnaasimassagaluarpaat - Naalakkersuisummi naapertorlugit tamannarpiaq siunertaasimavoq. Tamassumalu pinera iluatsillugu nalunaarusiaq nunatta Canada-mut uran-i pillugu angalanerat 6.-12. september 2010 pisoq Naalakkersuisunut eqqaasissutigissavara, tamatumani Inatsisartuni ilaasortat peqataanissaminnut qaaqusaasimallutik. Maannakkorpiaq Aatsitassanut Ataatsimiititaliap qaaqusaasimannginnera sutigut isumatusaarnerusimanersoq suullu tunngavigitinneqarsimanersut ilumoorlunga oqassaguma qanoq paasisariaqarnersoq nalornissutigaa.

Taamatut pisoqarsimamut tupiginngitsuunngilara, taamaammallu § 37 aqutigalugu apequteqarnissara pisariaqartilersimallugu.